



CUSTOMS DUTIES

(Import and
Export Duties)


KOLESAUN TAXA ADUANEIRO 1 Janeiro - 31 Agosto 2025



Batugede	1,753,036.44
Bayu Unda Offshore	358.10
Dili Airport	980,304.69
Tibar Port	68,667,469.75
Maliana Tunu Bibi	5,168.96
Post Office	2,481.41
Salele	290,797.48

Total: US\$71,699,616.83

KOLESAUN TAXA ADUANEIRO 1 Maio - 31 Agosto 2025



APRIENSAUN DROGA

Iha loron 25 Agosto 2025, Autoridade Aduaneira liu-husi ekipa Kargo Aero Porto Internasional Prezidenti Nicolao Lobato halo inspesaun ba pakote ida envia husi França ho rute França è Singapura è Denpasar Bali ho nia destinasaun Dili liu-husi expedisi FedEx.



Pakote refere envia husi Franca ho nia dokumentu Air waybill tracking number 391202546897, ho data tracking 21 Jullu 2025, performa Invoice DAU ho numeru C. 1921, kanal mean ho data rejistu DAU 21 Agosto 2025 no submete DAU ba ekipa Kargo iha 25 Agosto 2025.



INSPEAUN HUSI AUTORIDADE ADUANEIRA

Ekipa Kargo Aero Porto IPNL halo inspesaun liu-husi scanning x-ray ba pakote refere no rezultadu imajen hatudu indisius balun ne'ebé deskunfiadu no presiza halo inspesaun fiziku. Iha prosesu inspesaun, ekipa descobre hetan pasta laptop rua (mamuk sem laptop). Hafoin ekipa hetan pasta laptop rua refere, imediatamente informa kedan ba Xefe Departementu Kargo hodi foti desizaun, no ikus mai deside hodi koa embalagen no kaixa ne'ebé falun pasta rua refere no ikus descobre hetan po'o cristal mutin falun iha plastiku iha pasta rua refere nia laran.

Hafoin descobre matéria poo cristal refere, ekipa continua halo kedan NICK TEST dala-rua no rezultadu konfirma poo cristal refere klasifikadu hanesan DROGA KOKAINA. Hafoin indeifika, Xefe Ekipa Kargo relata kedan ba Diretor Nacional Operasaun nomos ba Komissario Autoridade Aduaneira no imediatamente koordena kedan ho Policia Cientifica Investigasaun Kriminal (PCIC) no iha oras tuku 12:00pm ekipa PCIC to'o iha Aero Porto IPNL hodi assegura matéria refere no transporta ba edificisio PCIC.

INVESTIGASAUN PCIC

Hafoin matéria refere transporta ba iha Edificio PCIC, Autoridade Policial PCIC halo konfirmasaun ba faktu ne'ebé Autoridade Aduaneira rekolla. Husi konfirmasaun ne'ebé PCIC halo konfirmadu:

1. Matéria refere klasifikadu DROGA ho Tipu KOKAINA.
2. Todan pakote 1º = 483.0g
3. Todan pakote 2º = 497,5g
4. Total pakote 1º no 2º ho todan 980,5g

APRIENSAUN SIGARU ILISITU

Autoridade Aduaneria liu-husi Diresaun Nasional Operasaun halo apriensaun ba mercadorias ilisitu ne'ebé importa tama mai Timor-Leste liu-husi Porto Tibar.

Hafoin contentor tama iha Porto Tibar, Autoridade Aduaneira liu-husi Diresaun Nasional Jestaun Risku kontaktu Importador hodi halo inspesaun ba Kontentor, maibe Empreza la marka prezensa to'o prazu 30 dias tuir lei determina.

Nune'e, iha iha loron 7 Agosto 2025, Autoridade Aduaneira halo inspesaun fiziku sem prezensa husi Empresa no deteta katak kontentor refere kontein mercadorias deskamino hanesan Sigaru ho marka Marlboro ho total 912 karton.

Hafoin ida ne'e, Autoridade Aduaneira halo kontaktu ho Departamento Investigasaun Kriminal Nasional hodi entrega merkadorias priendidu no iha loron 8 fulan Agosto 2025, Departementu Nasional Investigasaun Kriminal asegura merkadorias sira ne'e hodi transporta kedan ba iha Kuartel Jeral Policia Nasional Timor-Leste hodi submete ba prosesu tuir mai.



Timor-Leste participa iha Reuniaun Espisial ba daruak kona-ba adezaun Timor-Leste ba ATIGA iha Jakarta, 27 August 2025



Autoridade Aduaneira participa reuniaun Komisaun Kordenasaun ATIGA ba daruak iha loron 27 Agostu 2025 iha Jakarta. Delegasaun husi Timor-Leste kompostu husi Autoridade Aduaneira - Ministerio Finanzas, Autoridade Nasional Petroleu- Ministerio Petroleu no Rekursu Naturais, Ministerio Saude, Ministerio Agrikultura, Ministerio Komesario no Ministerio Negosio Estranjeiro.

Iha reuniaun ida ne'e, Delegasaun Timor-Leste halo negosiasaun ho Sekretariadu ASEAN no nasaun membru ASEAN sira kona-ba Market Access Offer husi Timor-Leste.

Partisipasaun Timor-Leste nian iha reuniaun ida ne'e ho objetivu atu finaliza negosiasaun hodi bele finaliza lalais kestaun pendentis sira hodi permite adopsaun Timor-Leste nian ba ATIGA no husu mos ASEC nia apoiu iha prosesu ida-ne'e.

Hafoin delegasaun fila-fali mai Timor-Leste, ekipa mos kontinua halo diskusaun no apresenta relatorio ba Excellencia Primeiro Ministro, Excellencia Sra. Vice-Ministra ba asuntu ASEAN no ekipa tekniku ASEAN nian iha sala reuniaun MNEC.



S.E. Sr. Primeiro Ministro orienta atu ekipa kontinua halo servisu no aselera kompleta rekeztus administrativu adezaun Timor-Leste nian ba ASEAN iha simeira ASEAN ba dala-47 iha loron 27 Outubro 2025 iha Malazia.

REUNIAUN KOORDENASAUN HO PROCURADORIA GERAL DA REPUBLICA



Autoridade Aduaneira halo vizita koordenasaun servisu ida ba Procuradoria Geral da Republica.

Reuniaun ida ne'e bazeia ba karta pedidu husi Autoridade Aduaneira hodi husu audiensia ho Procurador Geral da Republica. Pontus diskusaun durante reuniaun ida ne'e maka:

- Establese akordu MoU entre Autoridade Aduaneira ho Procuradoria Geral da Republica hodi facilita kordenasaun no servisu entre entidade rua
- Solusaun ba Merkadorias priendidus

Procuradoria Geral apresia ho iniciativa Autoridade nian hodi konvoka reuniaun ida ne'e no pronto apoio no kolabora hodi solusiona kestoins sira ne'ebe Autoridade levante.

MUDANSA ORARIO ATENDIMENTU IHA FRONTEIRA TERRESTRE RDTL - RI

Komisario Autoridade Aduaneira partisipa iha serimonia formalizasaun mudansa orario atendimento iha Posto Integradu Fronteira Batugede, tuir aprovasaun Konsellu Ministro, datadu 17 Junho 2025.

Nune'e iha loron 10 Agosto 2025, ofisializa implementasaun mudansa orario atendimento iha posto Integradu Fronteira hanesan Batugede, Salele, Mota Masin, Sakato, Wini no Oesilo.



Orario atendimento passa fronteira komesa husi dader tuku 09.00 OTL - 13.00 no hahu fali husi 14.00 OTL to'o 18.00 OTL. Mudansa orario ida ne'e hahu vigora husi loron 10 Agosto 2025.

Sr. Komissario fo enfaze makaas ba esforsu konjunta hodi hodi aseguara misaun Autoridade nian hodi hasa'e koleasaun reseita.

DIRETUR MUNICIPAL ALFANDEGA DE OE-CUSSE AMBENO

Bazeia-ba desizaun Komisaun Funsan Publika liu-husi desizaun No.7039/2025/CFP, nomeia Sr. Alberto Seixas hodi asume kna'ar nudar Diretor Municipal Alfandega Oecusse hodi subtitui Sr. Joaquim Goncalves dos Reis.

MELLORAMENTU FASILIDADE SERVISU

Hodi fasilita kondisaun servisu iha terrenu, iha loron 16 Agosto 2025, Diretor Alfandega Municipal Oecusse halo kordenasaun ho kompanhia WASKITA KARYA nebe halo hela servisu rehabilitasaun estrada hodi apoio muda kobe house hat (4) husi Mahata ba Oesilo.

Kobe House hat refere sei utiliza husi:

1. Servisu Imigrasaun
2. Alfandega
3. Quarentena ho UPF
4. DNTT no Transito



Diretur Municipal Oecusse, Sr. Alberto Seixas hamutuk ho Ofisial Alfandega RAEOA



Vizita Fiskalizasaun Komisaun D Parlamentu Nasional

Iha loron 26 Junu 2025, Autoridade Aduaneira simu vizita husi Komisaun D Parlamentu Nasional hodi halo fiskalizasaun servisu Autoridade nian iha Porto Baia Tíbar. Iha vizita refere, Komissario Autoridade Aduaneira halo apresentasaun ida kona-ba lala'ok servisu Autoridade nian no apresenta mos dezafius sira ne'ebe Autoridade enfrenta.

Hafoin akompana apresentasaun Komissario nian, Distintas Deputados/as husi Komisaun D hato'o apresiasaun a'as ba dezempenu Autoridade nian maske sei hasoru dezafius no difikuldade oin-oín, inklui kestaun Rejime Espesial ba Autoridade Aduaneira.

Distintos Deputado/a sira hato'o apoiu maximu ba iniciativa atu kria Rejime ida ba Autoridade Aduaneira, inklui halo ajustamentu ba lejislasaun hodi responde ba preokupasoins nomos kestaun legais sira ne'ebe sai impedimentu ba operacionalizasaun servisu Autoridade nian.



Seminario Depositos Temporarios, Armazenamento no Zona Francas



Timor Leste sai uma-nain hodi organiza Seminário Depósitos Temporários, Armazenagens e Zonas Francas, Alfândegas CPLP Dili, 11-13 de Junho 2025

Autoridade Aduaneira Timor-Leste onradu hodi organiza sesaun Seminário Depósitos Temporários ,Armazenagens e Zonas Francas, Alfândegas CPLP Dili, 11-13 de Junho 2025

Seminario ida ne'e partisipa husi nasaun membru CPLP hanesan Brazil, Portugal, Angola, Mozambique. Seminario refere halao durante loron 3 iha Dili.



Reunião Grupo Trabalho Alto Nivel Alfandegas CPLP ba dala 18

Autoridade Aduaneira Timor-Leste marka mos prezensa iha reuniaun Grupu Trabalho Alto Nivel Alfandega nian ba dala-18.

Reuniaun refere realizadu iha Portugal no Autoridade Aduaneira Timor-Leste representa husi Komissario, Sr. Joanico Pinto ho Diretor Nasional Rekursus Umanus - Sr. Francisco Goncalves



Lansamentu utilizasaun Ponte Baskula

Iha loron 2 fulan Maio 2025, Autoridade Aduaneira hamutuk ho Ministerio Transporte no Telekomunikasaun implementa Decreto Lei no.6/2025 de 8 de abril hodi aplika taxas hodi kontrola limite peso veíkulu sira ne'ebe transporte merkadorias husi fronteira terrestre, partikularmente iha Fronteira Batugede tama mai Territorio Timor-Leste.

